

Te Rongo ā-Whatu

Ākona tahi me Te Whānau Tairongo



Taringa Rahirahi



Miti Te Miti



Karu Putē



Ringa Raweke



Pihau Pāua

Ngā mihi matakūkū e hoa mā. **Ko Karu Putē au. Nō te whānau Tairongo.**
Mā ōku karu putē e rua e kitea ai tōku ao whakamīharo. Ko ētahi mea, he kanorau,
he piataata, ko ētahi he pōuri, he horotea.

Anei ētahi o aku tino tākaro.

Haramai ki te tākaro tahi!

Kei te mōhio rānei koe..?

Kei te mōhio rānei koe, ko tā te tamaiti tākaro koia rā tana mahi? Mā te tākaro ia e ako ai! Ka wani hoki nē!

Tākaro ai au i ngā kēmu whakarōpū me ngā kēmu puri mahara ki tōku whānau.

Ka rapua ngā tū mea pēnā i ngā ipu, ngā pouaka, ka kohia ngā rau, ngā kōhatu me ngā peka.

Ka whakarōpūhia mā te tae, mā te rahi, ā, ka kimi hoki i ngā āhuatanga ōrite, ngā āhuatanga rerekē rānei.

Ka tākaro hoki i ngā kēmu puri mahara, ā, ka raparapa au i ngā rawa e ngaro ana i te kohinga.

He aha pea ētahi rawa māu hei whakarōpū?



E pārekareka ana ki a au ngā kēmu rapu.

Mā te kaikaranga e whiriwhiri ngā tūmomo taputapu hei rapu, ā, ka pēnei te karangahia,

“He porohita, he mea kahurangi, he kararehe, he mea ka tīmata ki te oro ‘ng’”, he aha atu, he aha atu.

Mātai atu, mātai mai mā ngā karu e rapu ai, ina kitea te (...) tēnā whakaatu mai.

He aha ētahi atu mea hei rapu i tēnei kēmu?



Ka pai ki a mātou te whakariterite kēmu rapu taonga hei kīnaki i ngā hikoiko i te whānau.

Ka whiriwhirihia ngā mea hei rapu i tō mātou taiao pēnā i te tūi, i te rākau kauri, kia rima ngā putiputi waiporoporo, he pouaka mēra kākāriki, he tangata e mau whero ana, te pū ‘K’ mō Karu Putē.

He aha kē kei tō ako taiao hei rapu mā koutou?

